



GEREJA KRISTUS LIKAS

Mengenal dan Memperkenalkan Kristus

Bisyp: Bisyp Datuk Melter Jiki Tais

Rektor: Archdekan Moses Chin



Hubung

P.O. Box 18510, Pejabat Pos Besar Kota Kinabalu,
88670 Kota Kinabalu, Sabah

Pejabat: 088-426312, 213220 | Mudah alih: 019-6611558

<http://christchurchlikas.org/> | ccliikas@gmail.com

Trinit 2 - 9 Jun 2024

Doa Hari Ini

Tuhan Allah Bapa kami, melalui Penyelamat kami Yesus Kristus, Engkau telah menyakinkan hati manusia akan hidup kekal dan di dalam baptisan telah menjadikan kami satu dengan Dia. Selamatkan kami daripada maut dosa dan bangkitkan kami kepada hidup baru di dalam kasih-Mu, di dalam persekutuan Roh Kudus, dan oleh kasih karunia Yesus Kristus Tuhan kami. Amin.



**harta di dalam
bejana tanah liat**

- 2 Korintus 4:7

Kebaktian BM disiarkan **secara langsung, 11:30 pagi.**:

- YouTube: <https://www.youtube.com/>

[@christchurchlikas/streams](https://www.youtube.com/@christchurchlikas/streams)

Selamat datang ke dalam perkumpulan umat Tuhan.
Kita bersama-sama beribadah kepada Tuhan Yesus yang telah bangkit
dan mendorong satu sama lain untuk mentaati-Nya.

1. MUSIM UNTUK BERTUMBUH

Musim Trinitas adalah waktu untuk bertumbuh - secara peribadi dan bersama-sama dalam sebuah kumpulan, sebagai sebuah gereja. Penekanan umum ibadah kita ialah tentang 'kehidupan orang Kristian'. Kita ada musim dari Adventus hingga Pentakosta, tentang 'kehidupan Kristus'. Musim ini akan membawa kita ke akhir bulan November; apabila kita masuk ke musim baharu dalam kalender Kristian dengan Adventus. Bersukallah dalam Tuhan; dan nikmatilah pertumbuhan dalam perjalanan bersama Dia.

Beberapa aktiviti untuk menggalakkan pertumbuhan:

- membaca keseluruhan Alkitab, bermula dari Kejadian. Ia mungkin mengambil masa beberapa bulan, atau lebih lama. Letak satu matlamat untuk membaca Alkitab sekurang-kurangnya sekali dalam hidup anda. Sejak awal tahun ini, lebih daripada 20 orang di gereja kita telah menyelesaikannya. Teladanilah pencapaian mereka!!
- sertai kelompok sel. Dalam konteks kumpulan yang lebih kecil, anggota kita dapat belajar untuk mengasihi dan melayani. Dapatkan informasi di Meja Pelayanan jemaat kami;
- sertai kursus perengkapan, atau konferensi - belajar cara berdoa, memaafkan diri sendiri dan orang lain, berkongsi Injil Yesus dan banyak kemahiran lain yang berguna untuk pertumbuhan Kristian. Sila rujuk maklumat tersedia.

2. PENEROKAAN KRISTIANITI

Bermula 7 Julai, kami akan mengadakan kursus, 'Christianity Explored' atau Penerokaan Kristianiti, untuk menerangkan tentang kepercayaan Kristian kepada mereka yang berminat, khususnya untuk mereka yang banyak pertanyaan. Kursus ini akan berlangsung selama 7 hari Ahad berturut-turut. Jadual mingguan:

- Bahasa Cina - 10:00 pagi
- Bahasa Inggeris - 12:00 Tengah hari
- Bahasa Malaysia - 2:00 petang

Semua sesi akan dijalankan di Dewan Alpha. Makanan disediakan. Butiran tersedia untuk maklumat. Berdoa untuk pekerjaan Roh Kudus yang hebat.



3. ULANG TAHUN CCL YANG KE-55

2 minggu lagi!! 23 Jun - ingat tarikh ini.

Kita sudah mencecah 55 tahun!! Pada 22 Jun 1969, bangunan gereja kita telah didedikasikan untuk menyembah Tuhan. Kita bersyukur.

Perayaan kita, akan berlangsung pada hari Ahad, 23 Jun:

- Kebaktian pagi dijalankan seperti biasa; diikuti dengan jamuan. Bishop Kenneth Thien akan berkhotbah.

- 2:00 petang - Pecah tanah untuk 'Projek labur' (rumah paderi & rumah staf). Bisyp Kenneth Thien, mewakili Bisyp Melter, akan merasmikan upacara tersebut.
- 3:00 petang - sukan keluarga 'HAHA-DAY' untuk kita semua. Bisyp Kenneth akan memulakan acara tersebut. Sila mendaftar di Meja Pelayanan jemaat. Datanglah bersama keluarga dan rakan-rakan, dan nikmati hari yang hebat ini bersama-sama.


4. ULANG TAHUN ARK YANG KE-20

Kampung Persaraan Anglikan (ARK) telah genap 20 tahun, pada tahun ini. Mulanya sebagai kediaman para pesara untuk ahli Anglikan kita, kini telah berkembang untuk melayani warga emas dari latar belakang yang berbeza. Penghuninya kini penuh. Perayaan tersebut juga pada 23 Jun:

- 4:00 petang - Kebaktian Kesyukuran. Bisyp Kenneth, mewakili Bisyp Melter, akan memberikan ucapan.
- 5:00 petang - Makan Malam Kesyukuran; dengan penghuni di sana.

5. PELAYANAN-PELAYANAN LAIN

- bermula petang Rabu ini, 12-15 Jun - seminar '**Altar & Doa**'; untuk penerobosan dalam kehidupan doa peribadi seseorang. Dalam Bahasa Inggeris sahaja; di Gereja Anglikan D'Stream. Diajar oleh Bishop Kenneth Thien. Semua dialu-alukan.
- Khamis ini, 13 Jun, 10:00 pagi - lawatan ke **ARK**, untuk merayakan Hari Bapa. Jika anda ingin menyertai lawatan ini, sila maklumkan kepada Ps. Margaret, atau daftar di Meja pelayanan jemaat.
- 14-15 Jun, Jumaat & Sabtu akan datang - acara '**Ledakan Tarian**'; berlaku di gereja kita. Bengkel menggunakan tarian dan lukisan sebagai bentuk seni dalam penyembahan. Dijangkakan sekitar 100 peserta dari pelbagai gereja akan hadir. Berdoalah agar Roh Kudus akan melayani kehidupan mereka.
- 18-20 Jun - **Konferensi Kaum Lelaki BM**, Telupid. Butiran dan pendaftaran di Meja pelayanan. Sudah mencecah 1,000 penyertaan.
- 8-10 Julai - **Retreat Warga Emas BC & BI**, di Sandakan. Butiran dan pendaftaran di Meja pelayanan jemaat. Lebih 30 orang dari gereja kita telah mendaftar. Kami masih menerima penyertaan.
- **Gubahan bunga** hari ini disumbangkan oleh Lee Kiun Ket & keluarga sebagai tanda kesyukuran.



UNTUK PEMBERIAN DALAM TALIAN
RHB Bank | 2-10103-0001913-1
Christ Church Likas

Boost: <https://myboost.app.link/FPvG94VIT4>



Harta Dalam Bejana - 2 Korintus 4:7-5:1

"Tetapi harta ini kami punyai dalam bejana tanah liat, supaya nyata, bahwa kekuatan yang melimpah-limpah itu berasal dari Allah, bukan dari diri kami."

- 2 Korintus 4:7

1) Harta Memberi Kekuatan

- 2 Kor 4:7
- 2 Kor 4:8-9 Dalam segala hal kami ditindas, namun tidak terjepit; kami habis akal, namun tidak putus asa; kami dianiaya, namun tidak ditinggalkan sendirian, kami dihempaskan, namun tidak binasa.

1) Harta Memberikan Keselamatan

- 2 Kor 4:14 Karena kami tahu, bahwa Ia, yang telah membangkitkan Tuhan Yesus, akan membangkitkan kami juga bersama-sama dengan Yesus. Dan Ia akan menghadapkan kami bersama-sama dengan kamu kepada diri-Nya.
- 2 Kor 5:1 Karena kami tahu, bahwa jika kemah tempat kediaman kita di bumi ini dibongkar, Allah telah menyediakan suatu tempat kediaman di sorga bagi kita, suatu tempat kediaman yang kekal, yang tidak dibuat oleh tangan manusia.

Untuk renungan dan perbincangan:

1. Apa itu harta benda? Di mana kita menyimpannya? adakah di rumah, peti simpanan bank, atau peti keselamatan?
2. Apakah bejana tanah liat yang digunakan pada zaman dahulu? Apakah harta benda yang disimpan di dalamnya? Adakah anda mempunyai bejana tanah liat di rumah? anda guna untuk apa?
3. Bejana tanah liat mudah pecah tetapi kita tidak boleh membiarkan harta di dalamnya diambil dari kita. Baca Efesus 4:15-16. Bagaimana kita jaga tutur bicara kita dengan hormat? Ucapkan kata-kata semangat kepada semua anggota sel.
4. Baca 2 Kor 5:1. Apakah jaminan yang kita perolehi daripada Tuhan walaupun kita mungkin dimusnahkan? Berdoalah untuk satu sama lain untuk tetap kuat di dalam Tuhan.

UNTUK DIDOAKAN

Warga emas yang kita kasihi

- doakan semua warga emas di sekeliling kita
[agar mereka menerima penjagaan dan keselesaan yang mereka perlukan; berdoalah untuk para pesara dan rumah penjagaan, khususnya untuk ARK]

Gereja kita yang disayangi

- untuk mereka yang memerlukan dorongan dan sokongan secara khusus
[supaya kita peduli akan situasi mereka yang terganggu mental dan emosi]

Diri sendiri

- berdoalah untuk semangat yang diperbaharui untuk mengasihi dan melayani
[kiranya kita dapat belajar untuk berteduh dan berehat di dalam Tuhan]
- berdoalah untuk mereka yang dalam keperluan khusus, baik minda atau rohani; dan untuk 5 sahabat kita. Namakan mereka dalam doa anda.